

Dom naroda Parlamenta Federacije BiH mora što prije glasati o kandidatima nominiranim za funkcije na Ustavnom sudu

Ambasadori Upravnog odbora Vijeća za provedbu mira duboko su zabrinuti zbog dosadašnjeg neuspjeha da se popune upražnjena mjesta u okviru Ustavnog suda Federacije BiH i Vijeća za zaštitu vitalnog nacionalnog interesa kako bi se osiguralo propisno funkcioniranje ovih institucija. Ove aktivnosti su od presudnog značaja za osiguranje vladavine prava i propisnog funkcioniranja ključnih institucija Federacije Bosne i Hercegovine.

Upravni odbor Vijeća za provedbu mira u svom *Communiquē* od 30. novembra 2012. godine kaže: „*Konstruktivan pristup svih stranaka ima suštinski značaj. Da bi se osigurala sposobnost Ustavnog suda Federacije BiH da u tom pogledu ispunji svoju ustavnu ulogu, Upravni odbor Vijeća za provedbu mira je apelirao na sve nadležne organe vlasti da bez dodatnih odlaganja popune upražnjena mjesta na Sudu.*“

Pozdravljamo odluku predsjednika Federacije da, uz suglasnost dvojice potpredsjednika, imenuje sudije sa spiska kandidata koje je odobrilo Visoko sudska i tužilačko vijeće, u skladu s Ustavom i zakonom, kako bi se popunila upražnjena mjesta na Ustavnom sudu Federacije. Dom naroda Parlamenta Federacije BiH sada mora što prije glasati o predloženim kandidatima.

Uzimajući u obzir da ovaj najosnovniji uslov nije ispunjen tokom protekle četiri godine, očekujemo od institucija Federacije da odmah djeluju kako bi ispunile ovu suštinsku obavezu definiranu Ustavom Federacije Bosne i Hercegovine.